

繆荃孫 鄧實 編

古
學
彙
刊

卷三

廣陵書社



鄧實 繆荃孫 編

古學彙刊



廣陵書社

《古學彙刊》分冊目錄

第一冊

《發刊辭》	三
《序例》	七
《序目》	一
《第一集總目》	一七
《書目提要》(一—六)	二一
《蜀石經校記》 繆荃孫	三七
《毛詩九穀考》 陳奐	一〇七
《國史儒林傳序錄》 繆荃孫	一三三
《三垣筆記》 李清	一七七
《宋太宗實錄》	四五三
《西遼立國始末》 丁謙	五四七
《島夷誌略廣證》 沈曾植	五五五

第二冊

《仁恕堂筆記》	黎士弘	六三五
《永憲錄》	蕭爽齡	六五一
《元婚禮貢舉考》		六七一
《士禮居藏書題跋再續記》	黃丕烈	六九九
《清學部圖書館善本書目》	繆荃孫	七五三
《藏外經目》	李翊灼	一〇九七
《雲臺金石記》		一二二七
《翠墨園語》	王懿榮	一一四七
《陽羨摩厓紀錄》	吳騫	一一八七
《涪州石魚文字所見錄》	姚覲元	一二〇九
《上谷訪碑記》	鄧嘉緝	一二七五

第三冊

《陸麗京雪罪雲游記》	陸莘行	一二九三
《記桐城方戴兩家書案》		一三〇七
《金粟逸人逸事》	朱琰	一三二一

《越縵堂日記鈔》	李慈銘	一三三七
《蓬山密記》	高士奇	一四四七
《牧齋遺事》		一四五七
《吳兔牀日記》	吳騫	一四七三
《何蠃叟日記》	何紹基	一四八三
《鄭鄭事蹟》		一四九五
《羽琤山民逸事》		一五九五
《雲自在龕筆記》	繆荃孫	一六〇一
《二顧先生遺詩》	顧杲 顧綏	一七四三
《萬年少遺詩》	萬壽祺	一七八七
《今樂府》	吳炎 潘耒	一八〇三

第四冊

《章實齋文鈔》	章學誠	一九〇九
附錄：《古學彙刊》報告·廣告		二〇二九
《第二集總目》		二〇四七
《書目提要》（七一—一二）		二〇五一
《讀詩日錄》	陳澧	二〇六七

《經典文字考異》 錢大昕

《海外慟哭記》 黃宗義

《申范》 陳澧

《徐籀莊年譜》 徐士燕

《桂勝》 張鳴鳳

《長溪瑣語》 謝肇淛

第五冊

《潛采堂宋金元人集目》 朱彝尊

《靜惕堂藏宋元人集目》 曹溶

《庚子銷夏記校文》 何焯

《清學部圖書館方志目》 繆荃孫

《金石餘論》 李遇孫

《寶素室金石書畫編年錄》 釋六舟達受

《金石學錄》 李遇孫

第六冊

《泰山石刻記》 孫星衍

《纖言》	陸圻	三二三七
《郭天錫日記》	郭昇	三二九九
《玉几山房聽雨錄》	陳撰	三四三三
《巾箱說》	金埴	三五四五
《紀善錄》	杜瓊	三五九三
《雲自在龕筆記》	繆荃孫	三六〇九
《曲論》	何良俊	三六三七
《靈谷紀游稿》	徐復祚	三六六一
《竹垞老人晚年手牘》	朱彝尊	三六六九
《亭林先生集外詩》	顧炎武	三六八一
《棗林詩集》	談遷	三六九九
《吾炙集小傳》	鄧實	三八〇一
《跋》	鄧實	三八一九
附錄：《古學彙刊》廣告		三八二一

陸麗京雪罪雲游記

錢塘女史陸莘行讀任氏

老父雲遊始末

康熙元年壬寅春二月父友王于益者按益當是一字之誤其名曰猷定以詩文傳世自閩至浙寓昭慶寺忽疾作父亟爲調治晝夜不息王竟不起父爲歛資棺殮并出牀頭十金令其僕扶柩歸里偕同人送至江潯有爲父言湖州莊姓者所著穢史抵觸本朝兼有查陸范評定姓名大爲不便父曰風馬牛不相及也何得有此歸家自思范君文白遠隔海昌不及相聞查君伊璜住居不遠所居俗名黃泥園何不一詢因往查查適他出父入書室見案頭果有此書查歸父謂之曰此何物尙置此耶若不早圖禍將作矣因卽具牒文宗行文湖郡教諭趙君朱查驗趙親至莊始知作書者名龍係瞽目已故無子父莊某弟廷月按莊父名允城有三子龍一名廷鑑廷月一作廷鉞卽碎其板計六十四叉口貯于府庫板雖碎而書已行矣有吳之榮者

取貨于莊不獲吳之衆皆爲歸安令時以賊繁竄出有吏教之爲此又查有女優吳欲觀之亦不得憾甚遂抱書擊登聞鼓以進六月盡人言籍籍母與伯兄甚憂之兄卽嘔血數升遣僕從長安迎吾父歸父曰板碎矣悠悠之口何患焉遂束裝往台州時七月十九日也十月四日邱嫂沈孺人卒父歸謂母曰吾夢神人謂余曰爾詩文之禍起矣將來不知何似未幾風聲漸緊父母歔歔偶語余尙幼叩所以大人曰爾何知以爾兄疾甚故耳十一月十五日吾父清晨同叔父梯霞公出門途遇二吏云紀公相延視疾父善醫故駕言也父與叔逆知其意因曰今望日須一奠吾母而往于是辭大母靈哭聲甚哀叔急入內連呼仲兄速往隨父母與兩兄悲號趨出予亦大慟踵後父怡然隨吏而去見司李紀公紀諱元未第時卽與吾父有交此時惟有三揮涕而已寄錢塘獄錢令姓慕名大顏亦與吾父有交日逐供應悉皆慕辦十二月督撫差解官龔姓者將父與查范起解進都十一日三人庭謁太守丁公丁諱浴初字咸池係查好友丁素重父才名出席而迎命寬刑具役曰鎖已灌鉛丁怒叱曰彼

無事何得如是立命換鎖因謂父曰君等俱屬首人到京自白爲今之計速行爲妙父曰資斧缺如寒衣未備以此遷延丁卽遺十金裘一襲父又曰此行死生未卜乞歸一辭母靈丁憐而許之于是而至家舉家骨肉號哭震天伯姊雙手舉父銀鎗一慟幾絕十五日長行僕張煌從三叔父于別舟送父入都僕褚禮從吾母將衣飾典盡得銀二百親友餽送亦數十金以四十金與叔父安家餘作進京之費予與伯姊送至關河父背予揮淚謂母曰此女素所鍾愛且遠字龍山可善視之又謂姊曰吾素知汝賢孝母與弟妹全賴于汝勿以我爲念也予與伯姊吞聲而歸母及庶母徐兩兄送至嘉禾吾翁鯤濤祝公乘小舟候于道左贈金洒淚鄭重而去父謂母曰相送千里終須一別行矣母亂我心曲爲也我雖遭此橫禍明歲值年凡事悉依舊規不可苟簡爾係賢明婦人何煩瑣瑣命庶母曰汝當持身以正上下和平戒兩兄曰汝等唯以孝母爲事謹守禮義終身不必讀書似我今日遂爾分手一日泊金山下聞鐘磬聲誓曰苟得生還所不祝髮空門者有如大江癸卯正月十六日得父初六

陸麗京雪罪雲游記

至維揚信十八日母夢曾祖妣沈太孺人舉箸嗚咽十九日係沈忌辰年例祀後方始收新年所懸神像余兄妹隨母至廳事見諸像皆作愁苦狀母心悸命仲兄至陳庵祈籤諸嬖母陸續俱至忽一吏持東云紀爺至矣母思吾夫之出紀所知也至何爲者少頃見百餘人隨一官到伯兄出見母于屏中窺之非紀也正疑慮間二嬖母急告母曰京中事發官來籍沒矣語未竟數十人排闥而進曰女眷請出來聽總捕毛爺一點無大害也母將余託于二嬖冒稱拒兄之女名文姑雜于諸姝女中文者拒兄小字也倉猝中卽以此名應之故冊上有姪孫女文姑年方七歲之語近鄰許周父平日待之甚厚此際手持櫪一孟于門上遍貼封條且曰某某係某人子不可疎放某某係某人僕急宜追繫官喜其勤卽取吾家米三石布二疋與之令爲嚮導同捕役進京逮三叔父與叔遇于紗帽衛爲褚禮所見叔避之不獲許竟無功後事解此奴惶愧欲死是日拒嫂攜贅姝歸寧余姊壻沈穆如伊兄德隅二嬖母口庶母陳早出門吳姊以目疾不至故皆免于難吾父爲長房拒石兄卽穀口公諱培子

爲二房蓋同門出入者也梯霞叔爲三房紫纒叔爲五房左城叔爲六房是晚五房上下計三十口俱押至總捕班房時禹川姪雖在尙未書名二孀母向一朱姓吏再三懇求其人許之與同伴用草薦捲出亦高義也吳姊聞之一慟而仆于是伯姊翁錦雯吳司李仲姊翁旬華沈文學二父執手持火把至窗外泣謂母曰事如此惶遽無益聞二郎尙未收意欲藏之王店朱近修家以延一脉大舅父字台孫公亦慟而至謂母曰弟力微不能脫姊程嬰之事當力任之母曰聞吏侵朱氏甚急朱爲二兄所聘岳家弟當令其就獄勿以一子累親友也舅曰我爲之姊勿與知可也乃遍覓至二母舅宙合家暮夜挾之同歸至夜密送梁姊母庵兄慨然曰舉家爲戮何以生爲遂自投繫所持母兄而泣吳姊肩輿至各家踪跡聞已出哭曰趙氏止此一塊肉而今已矣二十一日男子發按察司監獄卒分給鐵鍊所餘一輕一重二兄以大兄病甚大兄以二兄年幼爭取重者卒爲之感動遂得俱易輕者女子發羈候所內分七所頭所二所查氏居之三所四所陸氏居之五所六所范氏居之吾大房被逮者

吾母兩兄庶母徐僕僉紀元夫婦褚禮婦漏網者義女阿金二房被逮者二嫗母拒
兄余與兩妹女僕趙福元趙婦陳婦義孫阿壽義孫女阿滿漏網者拒嫂禹川妹贅
皇妹僕佩錦合璧三房被逮者三嫗母復弟因代度兄故名誠夫僕陸書僉婦漏網
者杜南兄方義弟履眞弟僕陸松陸元婦魯婦五房被逮者五叔父庶嫗母賈魏休
兄魏扶弟僕高成夫婦阿囷漏網者阿妹六房被逮者六嫗母嫗母胡夫人理扶
兄馬星婦可成婦義女阿留漏網者杜彈弟僕馬星陸茂又被逮者二叔祖夢明公
三叔祖夢文公三叔祖母黃庶叔祖母口僕文鼎又被逮者子長伯查陸范三姓共
計一百七十六人二十五日俱至貢院點名是日人犯不齊仍令歸所二十六日清
晨始點途路之人不論老少男女俱各垂淚曰陸氏世世忠孝奈何遭此奇冤進天
開文運牌坊見兩叔祖子長伯五叔父諸兄僕從皆至庭設三席中滿洲大人左總
督趙公右巡按朱公傍藩臬二司一應閑人皆不許進止書吏二人三家唱名已畢
母呼曰天平天平吾夫何罪舉首在前發覺在後夫何使我三姓至于此極也衆皆

泣下趙公亦曰爾夫有辨且自安心于是男婦仍各分散二月二十日上憲之意將各家男子亦歸羈候所七所對照一間獄官之堂又屋三間中供獄神其二間內三姓男子所居查係伊璜長子回一井二子三子姪漢回范係文白弟文元文清子魏公隱公鄭公吾家則二叔祖三叔祖族伯子長五叔父拒兄桂兄冠兄理兄也婦女止六所所餘七所三姓男僕共居之初三姓惟給官糧勿令親戚饋送恐以毒進賴錦雯吳公願以身家力保于是傳送不絕求之古人中不可多得各家親戚亦得通餽餉焉余自父被逮後卽斷葷與吾母諸嬸僕婦日誦經不輟後得完聚人咸曰陸叫應神天也一夜莊庭月妻潘氏至年二十四子方四齡老嫗一人分六所之半間居之又一日趙教諭妻弟趙旃彩姪和官年十四嬸母一人子都官年十一長女十七次女十三兩僕婦分四所之半間居之有朱右民者湖州人富倍于莊所生三子其第三媳蘇州中相國家女也莊索朱貨右民欲不與長子勸之再三父命中子以二百金付之中道而復莊不遂意仇口扳誣故右民見督撫之際以手自批其頰曰

老奴慳吝以至于于此謂長子曰吾害汝謂次子曰汝自爲之勿吾怨也正月二十四日吾父到京與查范同入刑部牢行李使費悉被逆僕張煌席捲南還吾父覽焚無計幸舅祖信甫襲公父子在都三叔父往見哭訴公曰我已知之可草冤單一紙待吾相機而行于是出白鏹五千關通要路褚禮又至父執顯亭嚴公署時公爲掖垣置褚于密室三餐親爲傳送因致書浙省當道立爲暴白不數日命下回浙候審卽日出京三月初六日抵杭入營監守全家被繫無人饋食姊姑吳母顧太君命人傳餐朝夕不缺爲人姑者未有慈厚如太君者也褚禮以密事往返南北至十五日少有就緒復隨三叔父回杭叔卽往羈候所投到時三月十七日也褚以膏貼半面其半以帽遮之暮夜見吳姊訴京中之事并言張煌逃歸卽至塔下村尋煌妻云不歸及見煌行李具在始不能匿乃同至姊家張傳餐褚復進都探事同拘陳永標每凌吾父一夜父夢三官大帝曰事將釋矣明日當有小警次日以小恙暫鬆刑具陳將銀鐐盜去適查獄官至父遑遽別將一鎖鍵上以至無事及去遍訪諸人無失鎖者

始知爲大帝之靈也後數日陳以此鎖付獄卒易糠食之計營中所繫莊姓父子朱姓父子花里毛姓前文宗趙教諭陳永樣吾父及查范湖州新任太守談某尙有評文姓氏多人不能記憶陸登苑三家外尙有十八家皆以參閱列名株累當事知三姓已有緩意且天氣漸熱四月十三日除吾父及伊璜文白外將三姓男女共移小井巷官房係所籍王元之屋屋近吳山住房高下不一最高者查居之其下吾家與范居之二十二夜照磨劉君來云公等不日歸家矣二十六日果發還家然所開者三房五房六房之屋與二房合居尙爾封固因與二嬸母同借三房之室居之門前猶有役看守桂兄病劇吳公錦璽保出子長伯爺姊保出胡夫人其弟方虎保出并帶可成婦隨出親友探候者門庭如市六叔父以事入粵郡縣無不重其才名提騎至令僞以伶茗宴叔席半執之叔神色不變且曰手足死于一處幸也奮然就道五月初九歸亦羈小井巷是月二十五日吳姊處與人羅五匆匆至云本下矣本下矣伯兄亦與至子長伯胡夫人可成婦亦至三姓主僕復上刑具兩卒共挾一人此際

神魂俱喪母藏并剪于身事急自刺次日二十六日守卒正在午飯之際府吏奉丁公之命急來道喜諸卒亦歡然而散是日父在營諸人每名依次點出朱右民臨行妻命婢進參湯一盞飲之出凌遲三子斬妻聞驚怖立殞三媳給邊莊龍父服毒先死弟庭月凌遲庭月妻潘氏給邊幼子亦斬趙教諭本擬從輕因藏穢史一部于米棧中故君宋亦斬妻孥得釋花里茅某亦皆滅門郡守譚公洩任三月以莊逃入太湖論絞後莊盡獲赦到譚已決矣惜哉陳永棧卽係前盜鎖之人日詈吾父曰爾死囚也吾罪不過笞耳亦竟斬首凡刻書印書釘書送板者一應俱斬行刑于城內衆安橋之彌教坊一刻字匠臨刑哭曰上有八十之母下有十八之妻我死妻必嫁母其誰養言畢就刑首滾至自門忽然豎起蓋行刑之所去家不遠也發莊龍塚塚前有坊曰才高班馬棺內富麗之甚衣壽字絳衣顏色如生創以刀碎其首腦出灘創喉中立死是時天昏地暗日色無光及末方點父等至明倫堂三人此際魄已去身督撫皆曰爾等不惟無罪且有欽賞于是叩謝出分路各歸凡開張行路之人無論